

აჭარის ავტონომიური რესპუბლიკის მთავრობის

დადგენილება №14

2016 წლის 12 აპრილი

ქ. ბათუმი

**აჭარის ავტონომიური რესპუბლიკის ადმინისტრაციულ საზღვრებში, სტიქიით მიყენებული ზიანის სალიკვიდაციო შერეული სამთავრობო კომისიის მუშაობის წესისა და აჭარის ავტონომიური რესპუბლიკის ადმინისტრაციულ საზღვრებში, სტიქიით დაზარალებული ოჯახების დიფერენციის, დახმარების კრიტერიუმებისა და ზიანის აღმოფხვრის წესის შესახებ**

„აჭარის ავტონომიური რესპუბლიკის მთავრობის სტრუქტურის, უფლებამოსილებისა და საქმიანობის წესის შესახებ“ აჭარის ავტონომიური რესპუბლიკის კანონის მე-8 და მე-9 მუხლების შესაბამისად:

1. დამტკიცდეს:

- ა) აჭარის ავტონომიური რესპუბლიკის ადმინისტრაციულ საზღვრებში, სტიქიით მიყენებული ზიანის სალიკვიდაციო შერეული სამთავრობო კომისიის მუშაობის წესი, თანახმად №1 დანართისა;
- ბ) აჭარის ავტონომიური რესპუბლიკის ადმინისტრაციულ საზღვრებში, სტიქიით დაზარალებული ოჯახების დიფერენციის, დახმარების კრიტერიუმებისა და ზიანის აღმოფხვრის წესი, თანახმად №2 დანართისა;
- გ) სტიქიით დაზარალებული ოჯახის სოციალური შესწავლის ცხრილი, თანახმად №3 დანართისა.

2. ძალადაკარგულად გამოცხადდეს „აჭარის ავტონომიური რესპუბლიკის ტერიტორიაზე მცხოვრები სტიქიის შედეგად დაზარალებული ოჯახების დახმარების ზოგადი წესის დამტკიცების შესახებ“ აჭარის ავტონომიური რესპუბლიკის მთავრობის 2014 წლის 13 თებერვლის №5 დადგენილება (სსმ ვებგვერდი, 24/02/2014, სარეგისტრაციო კოდი: 280090030.32.057.016158).

3. დადგენილება ამოქმედდეს გამოქვეყნებისთანავე.

აჭარის ავტონომიური რესპუბლიკის  
მთავრობის თავმჯდომარე

არჩილ ხაბაძე

დანართი №1

**აჭარის ავტონომიური რესპუბლიკის ადმინისტრაციულ საზღვრებში, სტიქიით მიყენებული ზიანის სალიკვიდაციო შერეული სამთავრობო**

**კომისიის მუშაობის წესი**

**მუხლი 1**

წინამდებარე წესი არეგულირებს აჭარის ავტონომიური რესპუბლიკის ადმინისტრაციულ საზღვრებში, სტიქიით მიყენებული ზიანის სალიკვიდაციო შერეული სამთავრობო კომისიის (შემდგომში – კომისია) მუშაობის წესს. კომისია იქმნება აჭარის ავტონომიური რესპუბლიკის მთავრობის ინდივიდუალური ადმინისტრაციულ-სამართლებრივი აქტით.

**მუხლი 2**

კომისია თავის საქმიანობას ახორციელებს სხდომების მეშვეობით. კომისიის სხდომას იწვევს და ხელმძღვანელობს კომისიის თავმჯდომარე, მისი არყოფნის შემთხვევაში – კომისიის თავმჯდომარის მოადგილე.

**მუხლი 3**

კომისიის სხდომები იმართება საჭიროებისამებრ, აჭარის ავტონომიური რესპუბლიკის მთავრობის, კომისიის თავმჯდომარის, კომისიის წევრთა არანაკლებ ერთი მესამედის ან თვითმმართველი ერთეულის მოთხოვნიდან ერთი თვის ვადაში.

**მუხლი 4**



კომისიის სხდომა უფლებამოსილია, თუ მას ესწრება კომისიის წევრთა სრული შემადგენლობის ნახევარზე მეტი მაინც.

#### **მუხლი 5**

კომისიის სხდომაზე საკითხები განიხილება დღის წესრიგის მიხედვით.

#### **მუხლი 6**

კომისიის სხდომები, როგორც წესი, ღიაა. კანონმდებლობით დადგენილი წესის შესაბამისად, სხდომა ან სხდომის ნაწილი, კომისიაზე დამსწრე წევრთა უმრავლესობის გადაწყვეტილებით შეიძლება დახურულად გამოცხადდეს.

#### **მუხლი 7**

კომისიის თითოეულ წევრს აქვს მხოლოდ ერთი ხმის უფლება. კომისიის წევრს უფლება არა აქვს თავი შეიკავოს ხმის მიცემისაგან. კომისიის წევრს, რომელიც არ ეთანხმება მიღებულ გადაწყვეტილებას, შეუძლია ჩამოაყალიბოს განსხვავებული აზრი, რაც ასახული უნდა იქნეს სხდომის ოქმში.

#### **მუხლი 8**

საჭიროების შემთხვევაში კომისიის მუშაობაში შესაძლებელია მოწვეულნი იყვნენ სხვადასხვა უწყებების წარმომადგენლები, სპეციალისტები, ექსპერტები ან სხვა პირები; მოწვეული პირები კენჭისყრაში არ მონაწილეობენ.

#### **მუხლი 9**

გადაწყვეტილება მიიღება ღია კენჭისყრის წესით. კომისიის სხდომაზე გადაწყვეტილება მიღებულად ჩაითვლება, თუ მას მხარს დაუჭერს დამსწრე წევრთა უმრავლესობა. ხმების თანაბარი გადანაწილების შემთხვევაში გადაწყვეტია კომისიის თავმჯდომარის ხმა.

#### **მუხლი 10**

კომისიის გადაწყვეტილებები არაუმეტეს 10 სამუშაო დღის განმავლობაში ფორმდება შესაბამისი სხდომის ოქმით. ოქმში უნდა აისახოს კომისიის სხდომაზე დამსწრეთა ვინაობა, განსახილველ საკითხთა დღის წესრიგი, მოხსენებები, გამოთქმული აზრი, მიღებული გადაწყვეტილების აღსრულების მიახლოებითი ვადები და სხვა აუცილებელი ინფორმაცია.

#### **მუხლი 11**

სხდომის დღის წესრიგით გათვალისწინებულ საკითხთან დაკავშირებით კომისია უფლებამოსილია:

1. გასცეს რეკომენდაცია დაზარალებულისათვის შესაბამისი დახმარების გაწევის თაობაზე ან უარი თქვას რეკომენდაციის გაცემის შესახებ.
2. მოიწონოს ან მისცეს უარყოფითი შეფასება განხილულ საკითხს.
3. არასაკმარისად ცნოს წარმოდგენილი ინფორმაციის თაობაზე არსებული მასალა/დოკუმენტაცია ან გაწეული საქმიანობა. ამ მოტივით დამატებითი შესწავლის მიზნით დააბრუნოს საკითხი და აღნიშნული საკითხის სრულყოფილად წარმოდგენის შემთხვევაში განიხილოს იგი ხელახლა ერთი თვის ვადაში.
4. ცნობად მიიღოს განსახილველ საკითხთან დაკავშირებით წარდგენილი ინფორმაცია.
5. გადადოს საკითხის განხილვა.

#### **მუხლი 12**

კომისიის სხდომის ოქმის შედგენას უზრუნველყოფს კომისიის მდივანი.

#### **მუხლი 13**

კომისიის მიმდინარე საქმიანობასთან დაკავშირებულ დოკუმენტაციას (წერილი, მიმართვა, მოხსენებითი ბარათი და ა.შ.), როგორც წესი, ხელს აწერს კომისიის თავმჯდომარე, ხოლო კომისიის ოქმებს და საბოლოო გადაწყვეტილებებს (დასკვნა, წინადადება, რეკომენდაცია და ა.შ.) შესაბამისი საკითხის განხილვასა და გადაწყვეტილების მიღებაში მონაწილე ყველა პირი, მიუხედავად იმისა, დაუჭირა თუ არა მხარი მიღებულ გადაწყვეტილებას.

#### **მუხლი 14**

ცალკეული საკითხების შესწავლისა და მომზადების მიზნით, კომისია საჭიროების შემთხვევაში ქმნის სამუშაო ჯგუფ(ებ)ს.

#### **მუხლი 15**

1. კომისია თავისი უფლებამოსილების განხორციელებისას ხელმძღვანელობს „სამთავრობო კომისიების შექმნის, უფლებამოსილებისა და საქმიანობის წესის შესახებ“ დებულების დამტკიცების თაობაზე“ აჭარის ავტონომიური რესპუბლიკის მთავრობის 2005 წლის 1 თებერვლის №7, წინამდებარე დადგენილებისა და მოქმედი კანონმდებლობის შესაბამისად.
2. იმ შემთხვევაში, თუ წინამდებარე დადგენილებით არ არის გათვალისწინებული სტიქიური მოვ-



ლენის შედეგად დამდგარი კონკრეტული გარემოება, რომელიც მისი დადგომის ეტაპზე მოითხოვს გადაწყვეტას, კომისიამ უნდა იხელმძღვანელოს საჯარო და კერძო ინტერესების გათვალისწინებით და მიიღოს შესაბამისი გადაწყვეტილება.

### **მუხლი 16**

კომისიის ფუნქციონირებისათვის საჭირო ორგანიზაციულ-სამართლებრივ და მატერიალურ-ტექნიკურ უზრუნველყოფას ახორციელებს აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო.

დანართი №2

## **აჭარის ავტონომიური რესპუბლიკის ადმინისტრაციულ საზღვრებში, სტიქიით დაზარალებული ოჯახების დიფერენციის, დახმარების კრიტერიუმებისა**

### **და ზიანის აღმოფხვრის წესი**

#### **მუხლი 1. ზოგადი დებულებანი**

1. წინამდებარე წესი განსაზღვრავს აჭარის ავტონომიური რესპუბლიკის ადმინისტრაციულ საზღვრებში, სტიქიით დაზარალებული ოჯახების დიფერენციის, დახმარების კრიტერიუმებისა და ზიანის აღმოფხვრის წესს (შემდგომში – წესი).
2. წესის მიზანია სტიქიით დაზარალებული მოსახლეობის უსაფრთხო საცხოვრისებით უზრუნველყოფის მიზნით, ბენეფიართა ფინანსური მხარდაჭერა, მათი დროებითი თავშესაფრებით და/ან საცხოვრებელი ფართებით დაკმაყოფილება და მიყენებული ზარალის შეძლებისდაგვარად აღმოფხვრა.

#### **მუხლი 2. სტიქიით დაზარალებული ოჯახების დიფერენცია**

1. სტიქიით დაზარალებულ ოჯახებად მიიჩნევა ბუნებრივი კატაკლიზმების შედეგად დაზარალებული ოჯახები (შემდგომში – დაზარალებული ოჯახი), შემდეგი დიფერენციით:
  - ა) სტიქიით დაზარალებული ეკომიგრანტი ოჯახი (შემდგომში – ეკომიგრანტი ბენეფიციარი) – სტიქიური მოვლენების შედეგად დაზარალებულ და გადაადგილებას დაქვემდებარებულ ოჯახად ჩაითვლება ოჯახი (შემდგომში – ეკომიგრანტი ოჯახი), რომლის მუდმივ საცხოვრებელ ადგილზე საკუთრებაში/მფლობელობაში არსებული სახლი ან მისი ნაწილი დანგრეულია ან დაზიანებულია (საცხოვრებლად უვარგისია) ნებისმიერი სტიქიური მოვლენით (მეწყერი, ღვარცოფი, კლდეზავი, ქვათაცვენა, მდინარეების ან ზღვის ნაპირების გარეცხვა, თოვლის ზვავი, ჯდენადი გრუნტი და სხვა) ან არ არის დანგრეული, მაგრამ მიმდებარე ტერიტორიაზე არსებული სტიქიური მოვლენები საფრთხეს უქმნის იქ მცხოვრებ ადამიანთა სიცოცხლეს, ჯანმრთელობას და ოჯახის საკუთრებაში/მფლობელობაში არსებულ ქონებას;
  - ბ) სტიქიით დაზარალებული არაეკომიგრანტი ოჯახი (შემდგომში – არაეკომიგრანტი ბენეფიციარი) – სტიქიური მოვლენების შედეგად დაზარალებული ოჯახი, რომლის საკუთრებაში/მფლობელობაში არსებული საცხოვრებელი სახლი ან მისი ნაწილი დანგრეულია ან დაზიანებულია (საცხოვრებლად უვარგისია) ნებისმიერი სტიქიური მოვლენით (მიწისძვრა, ჭარბი ატმოსფერული ნალექი, წყალმოვარდნა, ძლიერი ქარი და ა. შ.) და შესაძლებელია სახლის ადგილზე აშენება/აღდგენა/რეაბილიტაცია.

2. სტიქიით დაზარალებული ოჯახი შედგება განცალკევებულ საცხოვრებელ ფართზე მუდმივად მცხოვრები ნათესაური ან არანათესაური კავშირის მქონე პირთა წრისაგან, რომლებიც ერთობლივად ეწევიან შინასამეურნეო საქმიანობას. ოჯახი შეიძლება იყოს ერთსულიანი.

#### **მუხლი 3. ტერმინთა განმარტება**

1. წესში გამოყენებულ ტერმინებს აქვს შემდეგი მნიშვნელობა:
  - ა) მთავრობა – აჭარის ავტონომიური რესპუბლიკის მთავრობა;
  - ბ) მთავრობის თავმჯდომარე – აჭარის ავტონომიური რესპუბლიკის მთავრობის თავმჯდომარე;
  - გ) სამინისტრო – აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო;
  - დ) კომისია – აჭარის ავტონომიური რესპუბლიკის ადმინისტრაციულ საზღვრებში, სტიქიით მიყენებული ზიანის სალიკვიდაციო შერეული სამთავრობო კომისია;



ე) დეპარტამენტი – აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სტიქიით დაზარალებულთა საქმეების დეპარტამენტი;

ვ) ადგილობრივი კომისია – თვითმმართველი ერთეულის გამგეობებში/მერიაში შექმნილი, სტიქიით მიყენებული ზიანის შემსწავლელი შესაბამისი ადგილობრივი კომისია;

ზ) გამგეობა/მერია – მუნიციპალიტეტის აღმასრულებელი ორგანოს დაქვემდებარებაში არსებული დაწესებულებები;

თ) გამგებელი/მერი – მუნიციპალიტეტების უმაღლესი თანამდებობის პირები;

ი) დაზარალებული – სტიქიით დაზარალებული ოჯახის ყველა სრულწლოვანი წევრი ან ოჯახის ერთ-ერთი წარმომადგენელი, რომელსაც კანონმდებლობით დადგენილი წესით ოჯახის სრულწლოვანი წევრების მიერ მინიჭებული აქვს წარმომადგენლობის უფლებამოსილება;

კ) I კატეგორია – გადაადგილებას დაქვემდებარებული ეკომიგრანტი ოჯახი, რომლის საკუთრებაში/მფლობელობაში არსებული სახლი ან მისი ნაწილი დანგრეულია ან დაზიანებულია (საცხოვრებლად უვარგისია) ნებისმიერი სტიქიური მოვლენით (მეწყერი, ღვარცოფი, კლდეზვავი, ქვათაცვენა, მდინარის/ზღვის წლის მოქმედების შედეგად ნაპირების გარეცხვა, ჯდენადი გრუნტი, თოვლის ზვავი და სხვა);

ლ) II კატეგორია – გადაადგილებას დაქვემდებარებული ეკომიგრანტი ოჯახი, რომლის მფლობელობაში/საკუთრებაში არსებული სახლი არ არის დანგრეული, მაგრამ მიმდებარე ტერიტორიაზე არსებული სტიქიური მოვლენები (მეწყერი, ღვარცოფი, კლდეზვავი, ქვათაცვენა, მდინარის-ზღვის წლის მოქმედების შედეგად ნაპირების გარეცხვა, თოვლის ზვავი, ჯდენადი გრუნტი და სხვა) საფრთხეს უქმნის იქ მცხოვრებ ადამიანთა სიცოცხლეს, ჯანმრთელობას და მათ ქონებას;

მ) I ხარისხი – ბუნებრივი კატასტროფის შედეგად დაზარალებული არაეკომიგრანტი ოჯახი, რომლის მფლობელობაში/საკუთრებაში არსებული საცხოვრებელი სახლი მთლიანად დანგრეულია ან იმდენად დაზიანებულია (საცხოვრებლად უვარგისია) სტიქიური მოვლენით (მიწისძვრა, ჭარბი ატმოსფერული ნალექი, წყალმოვარდნა, ძლიერი ქარი და ა. შ.), რომ არ ექვემდებარება აღდგენას და საჭიროა მისი ადგილზე მშენებლობა;

ნ) II ხარისხი – ბუნებრივი კატასტროფის შედეგად დაზარალებული არაეკომიგრანტი ოჯახი, რომლის მფლობელობაში/საკუთრებაში არსებული საცხოვრებელი სახლი დაზიანებულია სტიქიური მოვლენით (მიწისძვრა, ჭარბი ატმოსფერული ნალექი, წყალმოვარდნა, ძლიერი ქარი და ა. შ.), რომლის ადგილზე აღდგენა/რეაბილიტაცია შესაძლებელია;

ო) ბაზა – „სტიქიური მოვლენების შედეგად დაზარალებული და გადაადგილებას დაქვემდებარებული ოჯახების განსახლების კრიტერიუმების დამტკიცებისა და განსახლების საკითხების მარეგულირებელი კომისიის შექმნის შესახებ“ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 13 ნოემბრის №779 ბრძანებით სტიქიური მოვლენების შედეგად დაზარალებული და გადაადგილებას დაქვემდებარებული (ეკომიგრანტების) ოჯახების ერთიანი ელექტრონული მონაცემთა ბაზა;

პ) შუამდგომლობა – გამგეობიდან/მერიიდან წარმოდგენილი კორესპოდენცია, ბენეფიციართათვის დახმარების მიზნით;

ჟ) ქმედითი დახმარება – აჭარის ავტონომიური რესპუბლიკის ტერიტორიაზე მცხოვრები, სტიქიური მოვლენების შედეგად დაზარალებული ოჯახებისათვის გაწეული ნებისმიერი სახის დახმარება, რომლის მიზანია დაზარალებულის უსაფრთხო საცხოვრისით უზრუნველყოფა;

რ) მუდმივი საცხოვრებელი ადგილი – ეკომიგრანტი ოჯახის მიერ საცხოვრებლად არჩეული მუდმივი ადგილი, საიდანაც სტიქიური პროცესების განვითარების შედეგად იძულებულია გადაადგილდეს ან უკვე გადაადგილებულია;

ს) დროებითი საცხოვრებელი ადგილი – სტიქიური მოვლენების გამო გადაადგილებული ეკომიგრანტი



ოჯახის ნებისმიერი ტიპის დროებითი თავშესაფარი, რომლის ფაქტობრივი მფლობელი ან მესაკუთრე არ არის. აღნიშნული დასტურდება საქართველოს საჯარო რეესტრის ეროვნული სააგენტოს უძრავი ქონების რეესტრში ასახული მონაცემებითა და უწყებებიდან მოწოდებული ინფორმაციებით.

#### **მუხლი 4. ადგილობრივი კომისია**

1. განიხილავს და სწავლობს დაზარალებული ოჯახების მდგომარეობას და მათთვის ქმედითი დახმარების გაწევის მიზნით სარეკომენდაციო ხასიათის წინადადებებს წარუდგენს გამგებელს/მერს.
2. საინჟინრო, გეოლოგიური და სხვა კომპეტენტური პირების/სამსახურის დასკვნების გათვალისწინებით, სტიქიური პროცესების ზემოქმედების შედეგად, საცხოვრებელი სახლების მდგრადობის დარღვევის მიხედვით, დაზარალებულ ოჯახებს ანიჭებს დაზიანების კატეგორიას/ხარისხს.

#### **მუხლი 5. გამგეობა/მერია**

1. აქტიურად თანამშრომლობს კომისიასთან, დეპარტამენტსა და ნებისმიერ სხვა თუ ადგილობრივ ორგანიზაციებთან, პრობლემის დროული რეაგირებისა და ეფექტური გადაწყვეტილების მიღების მიზნით.
2. ოპერატიულად აწვდის საჭირო ინფორმაციას დაინტერესებულ/უფლებამოსილ ორგანოებს, წარადგენს სარეკომენდაციო წინადადებებს სტიქიისგან დაზარალებული ოჯახების დახმარებისა და ბუნებრივი მოვლენების, ანთროპოგენური და ტექნოგენური ხასიათის საგანგებო სიტუაციების წარმოქმნის საწინააღმდეგო ზომების გატარების თაობაზე.
3. მკაცრ კონტროლს აწესებს სტიქია საშიშ ზონებში ჩასახლების/მშენებლობის პროცესის მართლზომიერების თაობაზე.
4. წარადგენს ინფორმაციას მათდამი დაქვემდებარებულ ტერიტორიებზე მიწისა ან/და საცხოვრებელი ფართების სარეზერვო ფონდების არსებობის შესახებ.
5. განიხილავს ადგილობრივი კომისიის რეკომენდაციებს დაზარალებული ოჯახების ქმედითი დახმარების თაობაზე და წარადგენს სამინისტროში შუამდგომლობას, რომელიც უნდა შეიცავდეს შემდეგ დოკუმენტაციებს:

ა) ადგილობრივი კომისიის მიერ შედგენილ სხდომის ოქმს;

ბ) ადგილობრივი კომისიის მიერ ადგილზე გასვლით შედგენილ ვიზუალური დათვალიერების აქტს;

გ) დაზარალებულის განცხადებას;

დ) დაზარალებული ოჯახის სრულწლოვანი წევრების პირადობის დამადასტურებელი მოწმობის ასლებს ან სხვა დოკუმენტებს, რომლითაც შესაძლებელია პირის იდენტიფიცირება;

ე) ფოტომასალას (საჭიროების შემთხვევაში);

ვ) ამ დადგენილების მე-3 მუხლით დამტკიცებულ, გამგეობის/მერიის რომელიმე თანამდებობის პირის ხელმოწერითა და გამგეობის/მერიის ბეჭდით დადასტურებულ, დანართი №3-ის შესაბამისად შევსებულ ცხრილს. ცხრილს უნდა ერთვოდეს მასში მოცემული ინფორმაციის დამადასტურებელი დოკუმენტაციის შემდეგი ჩამონათვალი:

ვ.ა) კომპეტენტური სამსახურის/სპეციალისტის მიერ შედგენილი აქტი/დასკვნა, რომელშიც ასახულია დაზარალებული ოჯახის საკუთრებაში/მფლობელობაში არსებულ საცხოვრებელ სახლზე/მიმდებარე ტერიტორიაზე მიყენებული ზიანი ან მოსალოდნელი საფრთხე. იმ შემთხვევაში, თუ ერთსა და იმავე ოჯახზე წარმოდგენილია განსხვავებული შინაარსის რამდენიმე აქტი/დასკვნა, უპირატესობა ენიჭება უფრო გვიან შესრულებულ აქტს/დასკვნას, ხოლო ვიზუალური და დეტალური შესწავლის საფუძველზე შედგენილი აქტების/დასკვნების შემთხვევაში დეტალური შესწავლის აქტს/დასკვნას. წარმოდგენილ აქტზე/დასკვნაზე პასუხისმგებლობა ეკისრება შემსრულებელ სამსახურებს;

ვ.ბ) დაზიანებული საცხოვრებელი სახლის მშენებლობის, აღდგენა/რეკონსტრუქციის ან ადგილმონაცვლეობისათვის საჭირო საპროექტო-სახარჯთააღრიცხვო ან ხარჯთაღრიცხვის ამსახველი დოკუმენტი (საჭიროების შემთხვევაში);



ვ.გ) კომპეტენტური სამსახურის/სპეციალისტის მიერ საცხოვრებელ სახლზე შედგენილი დეფექტური აქტი (საჭიროების შემთხვევაში);

ვ.დ) სარეიტინგო ქულის ამსახველი ამონაწერი სოციალურად დაუცველი ოჯახების ერთიან მონაცემთა ბაზიდან (ასეთის არსებობის შემთხვევაში), რომელიც ადგილობრივი კომისიის განხილვის ეტაპზე ასახავს დაზარალებულის სოციალურ მდგომარეობას;

ვ.ე) შესაძლებლობების შეზღუდვის შესახებ საბუთი ან/და ჯანმრთელობის მდგომარეობის შესახებ ცნობა (საჭიროების შემთხვევაში);

ზ) ზარალის შეფასების აქტი იმ შემთხვევაში, თუ დახმარების განხილვის მოცემული ეტაპისათვის კომისიის გადაწყვეტილებით კომპენსაციის გაცემა განიხილება დაზარალებულ ოჯახებზე სტიქიის შედეგად მიყენებული ზიანის პროპორციულად.

6. მრავალსაცხოვრებლიან სახლებზე, ასევე საზოგადოებრივი დანიშნულების შენობებზე (მიუხედავად საკუთრების ფორმისა) ადგილობრივი კომისიების მიერ მომზადებული დოკუმენტაცია უნდა შეიცავდეს:

ა) ადგილობრივი კომისიის მიერ შედგენილ ოქმს;

ბ) ადგილობრივი კომისიის მიერ ადგილზე გასვლით შედგენილ ვიზუალური დათვალიერების აქტს;

გ) კომპეტენტური სამსახურის/სპეციალისტის მიერ სახლზე სტიქიური მოვლენის შედეგად მიღებული ზიანების ამსახველ ინფორმაციას/ცნობას/აქტს;

დ) კომპეტენტური სამსახურის/სპეციალისტის მიერ დაზიანებული სახლის აშენების, აღდგენა/რეკონსტრუქციის ან ადგილმონაცვლეობისათვის საჭირო საპროექტო-სახარჯთააღრიცხვო ან ხარჯთაღრიცხვის ამსახველ დოკუმენტს;

ე) ზარალის შეფასების აქტს (საჭიროებისამებრ) და სხვა დოკუმენტაციებს საჭიროებისა და კომისიის გადაწყვეტილებით.

7. კომისიის წინაშე შუამდგომლობს ხანძრით დაზარალებულ ოჯახებს, რისთვისაც წარადგენს ამ მუხლის მე-5 და მე-6 პუნქტებში მითითებულ დოკუმენტაციებს საჭიროების მიხედვით.

8. წარმოდგენილ დოკუმენტაციაში ასახულ ინფორმაციაზე პასუხისმგებლობა ეკისრება გამგეობას/მერიას.

### **მუხლი 6. დეპარტამენტის უფლებამოსილება**

1. დეპარტამენტი უფლებამოსილია მოამზადოს გამგეობის/მერიის მიერ წარმოდგენილი შუამდგომლობა კომისიაზე გასატანად. ამ მიზნით:

ა) ამოწმებს წარმოდგენილი დოკუმენტაციის წინამდებარე წესის მოთხოვნებთან შესაბამისობას;

ბ) არასრულად წარმოდგენის შემთხვევაში უფლებამოსილია მიუთითოს ადგილობრივ კომისიებს ხარვეზებზე და გაუწიოს კონსულტაციები მათი აღმოფხვრის მიზნით;

2. დეპარტამენტი ასრულებს კომისიის ცალკეულ მითითებებს.

### **მუხლი 7. სამინისტროს უფლებამოსილება**

1. საჭიროების შემთხვევაში გამგეობიდან/მერიიდან დამატებით გამოითხოვს საჭირო ინფორმაციას.

2. ხელს უწყობს კომისიის, გამგეობის/მერიის, ადგილობრივ კომისიებსა და დაზარალებულ ოჯახებს შორის ეფექტური კომუნიკაციის დამყარებას.

3. უწყევს მეთოდურ დახმარებას გამგეობას/მერიასა და ადგილობრივ კომისიებს.

4. სამინისტროში შესული განცხადების/საჩივრის საფუძველზე, შეისწავლის დაზარალებულსა და გამგეობას/მერიას შორის წარმომოხილ უთანხმოებას, ახორციელებს მედიატორის ფუნქციას და



მხარეებს აძლევს რეკომენდაციებს.

## **მუხლი 8. კომისიის უფლებამოსილება**

1. კომისია უფლებამოსილია:

ა) განიხილოს და მიიღოს გადაწყვეტილება დაზარალებული ოჯახების დახმარების მიზნით;

ბ) განიხილოს და მიიღოს გადაწყვეტილება ხანძრის შედეგად დაზარალებული ოჯახების დახმარების მიზნით.

2. დაზარალებულთა დახმარების მიზნით:

ა) აძლევს სათანადო მითითებებს დეპარტამენტსა და გამგეობას/მერიას;

ბ) გამოითხოვს საჭირო ინფორმაციას შესაბამისი დაწესებულებებიდან.

3. გამგეობის/მერიის შუამდგომლობის საფუძველზე, უზრუნველყოფს სტიქიის შედეგად მიყენებული ზარალის სავარაუდო ოდენობის, სამოქმედო გეგმისა და ორგანიზაციული ღონისძიებების თაობაზე, შესაბამისი რეკომენდაციების შემუშავებას და შემხვედრი აუცილებლობიდან გამომდინარე სხვა საჭირო ღონისძიებების გატარებას.

4. სტიქიით მიყენებული ზიანის აღმოფხვრის მიზნით, წარადგენს შესაბამის სარეკომენდაციო ხასიათის წინადადებებს მთავრობაში.

## **მუხლი 9. ქმედითი დახმარება**

1. ქმედით დახმარებას ექვემდებარებიან დაზარალებულები, რომლებიც აკმაყოფილებენ შემდეგ მოთხოვნებს:

ა) არ გააჩნიათ მფლობელობაში/საკუთრებაში ალტერნატიული საცხოვრებელი ფართი, რაც დასტურდება საქართველოს საჯარო რეესტრის ეროვნული სააგენტოს უძრავი ქონების რეესტრში ასახული მონაცემებითა და გამგეობიდან/მერიიდან მოწოდებული ინფორმაციებით;

ბ) მათ მფლობელობაში/საკუთრებაში არსებულ საცხოვრებელ სახლს, სტიქიით/ხანძრით მიყენებული ზიანის მიხედვით ადგილობრივი კომისიების მიერ მინიჭებული აქვთ დაზარალების კატეგორია/ხარისხი.

2. უსაფრთხო საცხოვრისით უზრუნველყოფის მიზნით, დაზარალებულს გაეწევა ქმედითი დახმარება განხილვის ეტაპისათვის არსებული გარემოებებისა და საშუალებების გათვალისწინებით, რომელიც კომისიის გადაწყვეტილებით შეიძლება იყოს:

ა) ფინანსური, რომელიც ითვალისწინებს დაზარალებულისათვის მატერიალური სახით დახმარებას:

ა.ა) დროებითი საცხოვრებლის სარგებლობისათვის ქირის საფასურის გადახდის მიზნით;

ა.ბ) არაეკომიგრანტ ბენეფიციართა დაზიანებული საცხოვრებელი სახლების ადგილზე მშენებლობა/აღდგენა/რეაბილიტაციის მიზნით;

ა.გ) ეკომიგრანტ ბენეფიციართა საკუთრებაში/მფლობელობაში არსებულ ალტერნატიულ, გეოლოგიურად უსაფრთხო მიწის ნაკვეთზე საცხოვრებელი სახლების გადატანა/მშენებლობისათვის;

ა.დ) იმ ეკომიგრანტ ბენეფიციართა ფინანსური მხარდაჭერა, რომელთა დაკმაყოფილება უსაფრთხო საცხოვრისის შეძენის მიზნით, სახელმწიფო ინტერესებიდან გამომდინარე, ითხოვს სწრაფ და ეფექტურ გადაწყვეტილებას, რასაც რიგითობის პრინციპიდან გამომდინარე, ვერ უზრუნველყოფს სამინისტროს შესაბამისი პროგრამა. კერძოდ:

ა.დ.ა) საცხოვრებელი ფართით უზრუნველყოფის საფასური ნაზღაურდება სახელმწიფო, აჭარის ავტონომიური რესპუბლიკის რესპუბლიკური ან აჭარის ავტონომიური რესპუბლიკის ადმინისტრაციულ საზღვრებში მდებარე თვითმმართველი ერთეულის ბიუჯეტებიდან;

ა.დ.ბ) საცხოვრებლად გაყვანილია ან თვითნებურად შეჭრილია სახელმწიფო, აჭარის ავტონომიური



რესპუბლიკის ან აჭარის ავტონომიური რესპუბლიკის ადმინისტრაციულ საზღვრებში მდებარე თვითმმართველი ერთეულის საკუთრებაში არსებულ შენობა/ნაგებობებში და საჭიროა ამ შენობების გამოთავისუფლება;

ა.დ.გ) საცხოვრებელი ფართი/მიმდებარე ტერიტორია მოხდა აუცილებელი საზოგადოებრივი საჭიროების არეალში;

ა.დ.დ) დაკმაყოფილება უნდა განხორციელდეს ერთობლივი და დაჩქარებული წესით (აქტიურ ზონაში მოხვედრილი რამდენიმე ოჯახის (სოფლის ან მისი ნაწილის და .ა.შ.) ერთდროულად გაყვანის აუცილებლობა;

ა.ე) ხანძრის შედეგად დაზარალებული ოჯახების საცხოვრებელი სახლების ადგილზე მშენებლობა/აღდგენა/რეაბილიტაციის მიზნით;

ბ) საცხოვრისით უზრუნველყოფა, რომელიც შეიძლება იყოს:

ბ.ა) დროებითი (დროებითი თავშესაფარი ხელმისაწვდომ საბინაო ფონდებში, სახელმწიფო დაწესებულებების უფუნქციო შენობებში, სხვა ალტერნატიული საშუალებების გამოძებნა);

ბ.ბ) გრძელვადიანი/მუდმივი (სოციალურ სახლებში საცხოვრებელი ფართების გადაცემა, გამოვლენილი საცხოვრებელი ფონდის რეზერვების გადაცემა მფლობელობაში/საკუთრებაში და ა.შ.).

3. ამ მუხლის მე-2 პუნქტის „ა.ბ“ და „ა.გ“ ქვეპუნქტით განსაზღვრული ფინანსური დახმარება ბენეფიციარებისთვის გაიცემა ადგილობრივი კომისიის შესწავლის პერიოდში, სოციალური მომსახურების სააგენტოს მიერ მონაცემთა ერთიან ბაზაში ოჯახებზე მინიჭებული სარეიტინგო ქულების დიფერენციით, კერძოდ:

ა) სოციალურად დაუცველი ოჯახების მონაცემთა ერთიან ბაზაში რეგისტრირებულ ოჯახებს, რომელთაც მინიჭებული აქვთ 0-დან 100 000-ის ჩათვლით სარეიტინგო ქულა, შესაძლებელია გაეწიოს ფინანსური დახმარება, საცხოვრებელი სახლის მშენებლობა/აღდგენა/რეაბილიტაციისათვის წარმოდგენილ ხარჯთაღრიცხვაში ასახული პირდაპირი ხარჯის 100 %, მაგრამ არაუმეტეს 15 000 ლარისა;

ბ) სოციალურად დაუცველი ოჯახების მონაცემთა ერთიან ბაზაში რეგისტრირებულ ოჯახებს, რომელთაც მინიჭებული აქვთ 100 000-დან 200 000-ის ჩათვლით სარეიტინგო ქულა, შესაძლებელია გაეწიოს ფინანსური დახმარება, საცხოვრებელი სახლის მშენებლობა/აღდგენა/რეაბილიტაციისათვის წარმოდგენილ ხარჯთაღრიცხვაში ასახული პირდაპირი ხარჯის 90%, მაგრამ არაუმეტეს 15 000 ლარისა;

გ) სოციალურად დაუცველი ოჯახების მონაცემთა ერთიან ბაზაში რეგისტრირებულ ოჯახებს, რომელთაც მინიჭებული აქვთ 200 000-ზე მეტი სარეიტინგო ქულა ან რეგისტრირებულნი არ არიან სოციალურად დაუცველი ოჯახების მონაცემთა ერთიან ბაზაში, შესაძლებელია გაეწიოს ფინანსური დახმარება, საცხოვრებელი სახლის მშენებლობა/აღდგენა/რეაბილიტაციისათვის წარმოდგენილ ხარჯთაღრიცხვაში ასახული პირდაპირი ხარჯის 80 %, მაგრამ არაუმეტეს 15 000 ლარისა.

4. ამ მუხლის მე-2 პუნქტის „ა.დ“ ქვეპუნქტით გათვალისწინებული ფინანსური მხარდაჭერა არაუმეტეს 25 000 (ოცდახუთი ათასი) ლარისა, შესაძლებელია გაეწიოს ეკომიგრანტ ოჯახებს, მათი უსაფრთხო გარემოში გადაყვანის მიზნით. წინამდებარე პუნქტით გათვალისწინებული შუამდგომლობის დაკმაყოფილების შემთხვევაში გამგეობა/მერია უზრუნველყოფს თანხის მიზნობრივი ხარჯვის კონტროლს. დახმარება შესაძლებელია განხორციელდეს:

ა) გამგეობასა/მერიასა და ეკომიგრანტი ოჯახის სრულწლოვან წევრებთან გაფორმებული შეთანხმების საფუძველზე, რომლითაც ბენეფიციარი იღებს ვალდებულებას, რომ დახმარებისათვის მიღებულ თანხას გამოიყენებს უსაფრთხო საცხოვრისის შექმნის მიზნით. აღნიშნულ შემთხვევაში თანხა გადაირიცხება დაზარალებულის მიერ წარმოდგენილ საბანკო ანგარიშზე;

ბ) გამგეობას/მერიას, ეკომიგრანტი ოჯახის სრულწლოვან წევრებსა და გამყიდველს შორის უძრავი ქონების ნასყიდობის მიზნით გაფორმებული ხელშეკრულების საფუძველზე, მერიის/გამგეობის შესაბამისი (ან სხვა კომპეტენტური) სამსახურის მიერ შესასყიდად წარმოდგენილი საცხოვრებელი



სახლის ტექნიკური და/ან საკარმიდამო ნაკვეთის გეოლოგიური მდგომარეობის დამაკმაყოფილად შეფასების შემდგომ. აღნიშნულ შემთხვევაში თანხა გადაირიცხება გამყიდველის მიერ წარმოდგენილ საბანკო ანგარიშზე.

4<sup>1</sup>. ამ მუხლის მე-4 პუნქტის ფარგლებში ეკომიგრანტი ოჯახის დაკმაყოფილების შემთხვევაში, თუ უძრავი ქონების გასაყიდი ღირებულება აღემატება 25 000 (ოცდახუთი ათასი) ლარს, სურვილისა და გამყიდველთან შეთანხმების შესაბამისად, ეკომიგრანტი ბენეფიციარი თავად ფარავს დარჩენილ სხვაობას.

5. ხანძრის შედეგად დაზარალებულ ოჯახებს შესაძლებელია გაეწიოს ფინანსური დახმარება შემდეგი წესით:

ა) საცხოვრებელი სახლის მთლიანად განადგურების შემთხვევაში, შესაძლებელია გაეწიოს ფინანსური დახმარება ერთჯერადი მატერიალური დახმარების სახით 10 000 ლარის ოდენობით (აღნიშნული არ საჭიროებს ხარჯთაღრიცხვის წარმოდგენას);

ბ) საცხოვრებელი სახლის ნაწილობრივ განადგურების შემთხვევაში, რომელიც აღდგენამდე გამოუსადეგარია საცხოვრებლად, შესაძლებელია გაეწიოს ფინანსური დახმარება სახლის აღდგენის მიზნით წარმოდგენილ ხარჯთაღრიცხვაში ასახული პირდაპირი ხარჯის 100 %, მაგრამ არაუმეტეს 10 000 ლარისა.

6. გრძელვადიანი საცხოვრისით უზრუნველყოფისათვის ფინანსური დახმარების აღმოჩენის დროს არ გაითვალისწინება დროებითი თავშესაფრისთვის გამოყოფილი ქირის თანხა.

7. კომისიამ შესაძლებელია იმსჯელოს სოციალურად დაუცველი ოჯახების მონაცემთა ერთიან ბაზაში რეგისტრირებული, შემწეობის მიმღებ იმ დაზარალებულთა დამატებით დახმარების თაობაზე, რომლებსაც დაზარალების გამო გასულ წლებში სახელმწიფოსგან მიღებული აქვს ერთჯერადი ფინანსური დახმარება (7 000 ლარი ან ნაკლები), რაც ადგილზე გამაგრებისთვის გამოიყენა ან ოჯახის დროებითი საცხოვრებლით უზრუნველყოფისათვის (ქირის თანხა), აღნიშნული დადასტურებული უნდა იქნეს ადგილობრივი კომისიის არგუმენტირებული შუამდგომლობით.

8. დაზარალებული დაკმაყოფილებულად ჩაითვლება შეთავაზებული დახმარების თაობაზე, სათანადო მხარეებს შორის გაფორმებული წერილობითი შეთანხმების საფუძველზე.

9. ეკომიგრანტ ბენეფიციართა საცხოვრებლით უზრუნველყოფის პროცესში, კომისია უფლებამოსილია მისცეს რეკომენდაცია აჭარის ავტონომიური რესპუბლიკის ფინანსთა და ეკონომიკის სამინისტროს, საცხოვრებელი ფართის გადაცემის თაობაზე შედგენილ ხელშეკრულებაში გაითვალისწინოს დაზარალებულისათვის ფართის გადაცემის სპეციალური პირობები (გადასაცემ ფართში რამდენიმე წლიანი სავალდებულო ცხოვრების პირობა, დაზიანებული მიწის ფართის სახელმწიფოზე გადაცემა ან/და სპეციალური დამუშავების ვალდებულება და სხვა).

10. სტიქიური მოვლენის შედეგების აცილებისათვის/ლიკვიდაციისათვის, კომისიას შეუძლია იმსჯელოს მე-9 მუხლით გაუთვალისწინებელი განსხვავებული ქმედითი დახმარების აღმოჩენის თაობაზე (მათ შორის ბენეფიციართათვის ფინანსური დახმარების მიზნით) და მიიღოს გადაწყვეტილება საჯარო და კერძო ინტერესების გათვალისწინებით.

*აჭარის ავტონომიური რესპუბლიკის მთავრობის 2017 წლის 17 თებერვლის დადგენილება №4 - ვებგვერდი, 20.02.2017წ.*

### **მუხლი 10. სოციალურ სახლში საცხოვრებელი ფართების გადაცემა**

1. სოციალურ სახლში ეკომიგრანტ ბენეფიციართა საცხოვრებელი ფართით უზრუნველყოფისათვის შესაბამისი გამგეობა/მერია, მასობრივი საინფორმაციო საშუალებით ახდენს მოქალაქეთა ინფორმირებას და დაზარალებულებს მოუწოდებს:

ა) განაცხადების შევსებისათვის ბაზაში დარეგისტრირების მიზნით;

ბ) განაცხადების შევსების ვადის ამოწურვისა და ბაზაში დარეგისტრირებულ ოჯახებზე პრიორიტეტულობის ქულათა საბოლოო მინიჭების შემდგომ, ადგილობრივი კომისია სოციალურ სახლში გასანაწილებელი ფართების რაოდენობის გათვალისწინებით გამოითხოვს იმ ეკომიგრანტ ბენე-



ფიციართა სიას, რომელთაც მინიჭებული აქვთ მაღალი პრიორიტეტულობის ქულები, კომისიის წინაშე მათთვის შუამდგომლობის დაყენების მიზნით.

2. სოციალურ სახლში ფართების განაწილების კრიტერიუმი, დაზარალებული ოჯახების წევრთა სიმრავლის გათვალისწინებით, დადგენილი უნდა იქნეს ადგილობრივი კომისიის მიერ, რომლის შემდგომ გამგეობა განახორციელებს კენჭისყრას, რომელზეც მიწვეულნი იქნებიან სამინისტროსა და აჭარის ავტონომიური რესპუბლიკის ფინანსთა და ეკონომიკის სამინისტროს წარმომადგენლები.

3. ადგილობრივი კომისიის მიერ არ განიხილება იმ დაზარალებულთა განაცხადები, რომლებსაც სახელმწიფოსგან ან დონორი ორგანიზაციებიდან დაზარალების გამო ერთხელ უკვე მიღებული აქვთ დახმარების სახით საცხოვრებელი სახლი ან სანაცვლოდ სათანადო ფულადი დახმარება (7 000 ლარზე მეტი) ან გააჩნიათ ფაქტობრივ მფლობელობაში ან საკუთრებაში არსებული ალტერნატიული საცხოვრებელი ფართი.

4. ადგილობრივმა კომისიამ შესაძლებელია განიხილოს საცხოვრებელი ფართების მიღების მოთხოვნით იმ ეკომიგრანტ ოჯახთა განაცხადებები, რომელთაც გასულ წლებში სახელმწიფოსგან მიღებული აქვთ ერთჯერადი ფინანსური დახმარება:

ა) 5 000 ლარი ან ნაკლები, მაგრამ თანხა საკმარისი არ აღმოჩნდა პრობლემის გრძელვადიანი გადაწყვეტისათვის;

ბ) 5 000 ლარიდან 7 000 ლარის ჩათვლით და ოჯახი რეგისტრირებულია სოციალურად დაუცველი ოჯახების მონაცემთა ერთიან ბაზაში 0-დან 200 000-ის ჩათვლით სარეიტინგო ქულით, ბენეფიციარის მიერ თანხა გამოყენებულ იქნა სახლის ადგილზე აღდგენა-გამაგრებისათვის ან ოჯახის დროებითი საცხოვრისით უზრუნველყოფისათვის, მაგრამ თანხა საკმარისი არ აღმოჩნდა პრობლემის გრძელვადიანი გადაწყვეტისათვის.

5. ბენეფიციართა შერჩევისას ადგილობრივი კომისია უფლებამოსილია, პრიორიტეტულობის ქულის გაუთვალისწინებლად, დააყენოს შუამდგომლობა ისეთი ოჯახების დაკმაყოფილების მიზნით:

ა) რომელთა საცხოვრებელი ფართით უზრუნველყოფის საფასური ანაზღაურდება სახელმწიფო, აჭარის ავტონომიური რესპუბლიკის რესპუბლიკური ან აჭარის ავტონომიური რესპუბლიკის ადმინისტრაციულ საზღვრებში მდებარე თვითმმართველი ერთეულის ბიუჯეტიდან;

ბ) რომლებიც საცხოვრებლად გაყვანილია ან თვითნებურად შეჭრილია სახელმწიფო, აჭარის ავტონომიური რესპუბლიკის ან აჭარის ავტონომიური რესპუბლიკის ადმინისტრაციულ საზღვრებში მდებარე თვითმმართველი ერთეულის საკუთრებაში არსებულ შენობა/ნაგებობებში და საჭიროა მათი გამოთავისუფლება;

გ) რომელთა საცხოვრებელი ფართი/მიმდებარე ტერიტორია მოხდა აუცილებელი საზოგადოებრივი საჭიროების არეალში.

6. სოციალურ სახლში ეკომიგრანტ ბენეფიციართა საცხოვრებელი ფართით უზრუნველყოფისათვის როგორც კომისიამ, ასევე ადგილობრივმა კომისიამ შესაძლებელია განსაზღვროს დამატებითი პირობები, რომელიც არ არის გათვალისწინებული წინამდებარე დადგენილებით.

*აჭარის ავტონომიური რესპუბლიკის მთავრობის 2017 წლის 17 მაისის დადგენილება №11- ვებგვერდი, 23.05.2017წ.*

### **მუხლი 11. მართვა და კოორდინაცია**

1. კომისიის მიერ გაკეთებული რეკომენდაციები და წინადადებები მთავრობასა და მთავრობის თავმჯდომარეს შეიძლება მიეწოდოს სტრატეგიის, გეგმის ან სხვა სახით – წერილობითი ფორმით.

2. კომისია უზრუნველყოფს განხორციელებული ღონისძიებების გამჭვირვალობას, ფინანსური და ტექნიკური მხარდაჭერის აღმოჩენის მიზნით სხვადასხვა სამთავრობო, საერთაშორისო და არასამთავრობო ორგანიზაციებთან ურთიერთობას.

### **მუხლი 12. წესში ცვლილებებისა და დამატებების შეტანა**

ამ წესში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით.



სტიქიით დაზარალებული ოჯახის სოციალური შესწავლის ცხრილი

დაზარალებულის სახელი, გვარი -----  დაბ/წელი -----	მისამართი: ----- ----- -----	სტიქიის სახე ----- ----- -----
პ/ნ -- -----	ტელ: N- -----	

დაზარალებული ოჯახის შემადგენლობა					კატეგორია/ხარისხი I / II
N	სახელი, გვარი	პ/ნ	დაბ/წელი	ნათესაური კავშირი	სარეიტინგო ქულა
1					-----
2					ადგილობრივი კომისიის შუამდგომლობა: ----- ---
3					
4					ხარჯთაღრიცხვაში ასახული პირდა- პირი ხარჯი (ლარი)
5					
6					-----
7					საკუთრებაში არსებული ალტერნატიული საცხოვრებელი ფართი
8					-----
9					(კი/არა)
10					მფლობელობაში არსებული დაურეგისტრირებული ალტერნატიული საცხოვრებელი ფართი
11					-----
12					(კი/არა)
13					საკუთრებაში/მფლობელობაში არსებული გეოლოგიურად მდგრადი ალტერნატიული მიწის ფართი -----
14					(კი/არა)

